

度

支

奏

議

度支奏議目錄

雲南司七卷

再議酌定漕運單例疏

題叅奸弁陳伸等領運潛逃欠糧疏

運務告竣查明題叙司屬疏

車戶脚價未明積書通同作弊疏

題叅泗州衛雇募猾棍攬運盜逃疏

議撥津門漕糧以備春運疏

凍糧事竣清筭總撤尖平數目疏

查明漕糧過壩口袋俾壓緣繇疏

題京軍九月分補放通糧疏

再題助運諸臣叙賚疏

題解官胡伯瑞原解銀兩被劫疏

條陳剝運未盡事宜疏

覆漕院龔御史剝運耽遲可慮疏

覆號房失米司官全無覺察疏

度支奏議卷之七

太子少保戶部尚書潘青畢自嚴視草

再議酌定漕運單例疏

題爲遵

旨回奏事雲南清吏司案呈六月二十一日奉本部  
送戶科抄出該本部題前事等因奉

聖旨漕運單例歷年條議甚夥查核雖詳規條無緒  
該部科還分款細酌逐項另開期于一目瞭然簡  
明畫一以便頒布永行張文德馬斯臧旣以劣狀

被叅違限益徵玩肆着革了職爲民胡靖共武  
賢俟漕運俱完通行議奪欽此欽遵抄出到部  
司隨卽呈堂移咨吏部總漕山東撫院并都察  
院轉行巡漕御史欽遵外其漕運單例相應會  
同戶科分款細酌備開具覆案呈到部該臣等  
會同戶科都給事中玄默看得漕運單例俱係  
舊制內載有司收糧開倉以及水次完兌軍衛回空  
到次以及抵京完糧條款分晰降罰有差但其  
中亦有限期未定而罰例未詳者臣等遵奉

明旨已經特爲斟酌就中補其缺畧而增其未詳



皇上留心

國計注意漕規

命臣等還分欵細酌逐項另開期于一目瞭然復該  
臣等仰遵

睿慮謹爲分欵剖析以限期則截然以罰例則森然  
俾以後受事各官賢者樂于急公自不致後期  
之罰怠者凜于三尺亦無敢蹈因循之轍從此

漕政頓挽遲爲速而漕規可一頒永行矣  
該司案呈前來合應臚列上

請恭候

命下臣部頒行各該衙門一體欽遵施行

計開

一漕事緊要全在運官回空早到則有司  
開倉無所支吾糧戶輸將無所觀望以  
後每歲運官聽總漕并撫按衙門於八  
月內預先派撥明白通行知會運官早

到水次便可迎催回空料理兌運如有  
延遲照領運起兌事例罰俸降級示懲  
一 回空到次凡衛所各幫船糧起空卽選  
廉能運官管押回空酌量道里遠近定  
與速回修驗到次日期不論山東河南  
江北江南浙江江西湖廣俱限十月下  
旬到次前赴本處督糧道投驗限單查  
明呈報撫按知會如在京通起糧稍遲  
者查照限單略寬旬日亦不許出於十



一月之內如有違者以十二月爲始計  
月叅罰違一月者照依故違

欽限事例撥罪一月以上者罪外罰俸一年二月者  
罪外降職一級三月者罪外降職三級  
有情重者另議

一收糧開倉省直漕糧各督糧道催各有  
司徵收完貯水次倉廩每年十月開倉  
今酌定山東河南江北江南浙江江西  
湖廣俱限十一月中旬務要照數徵收

全完申報督糧道轉呈撫按如有司至  
期不完自十二月爲始聽撫按監兌倉  
叅違限一月者罰俸一年二月者降職  
一級三月者降職三級

一領運起兌完兌開幫各省直漕糧派撥  
各衛所運官領兌山東河南并江北江  
南浙江江西湖廣俱限十二月初旬領  
兌呈報督糧道及監兌查覈大縣不過  
半月小縣不過十日務要通完開幫撫

按具疏題

奏限自正月爲始有司不完允軍衛不開幫違一  
月者各罰俸一年二月各降職一級三  
月各降職三級運官仍以故違

欽限論罪有情重者另議如河南山東臨時河道集  
阻難開行者姑俟入春開凍速行

一過淮過洪每年漕運糧船除山東河南  
不過淮洪外南直浙江江西湖廣糧船  
俱限三月初旬過淮四月初旬過洪照

依舊例總漕總河巡漕衙門將過淮過  
洪日期并船糧細數據實

奏報知三月終不過淮者督押司道等官及領運  
把總以下各降二級四月終不過洪者  
一體叅究倘河渠淤淺疏築無法撈淺  
無人及閘座開閉失時致有停阻不得  
過洪抵灣罪在總理河道聽科道官糾  
叅

一抵壩完糧省直漕糧派各衛所領運原

分地里遠近舊例山東都司北直隸  
所限三月初一日完糧江北直隸鳳陽  
等處衛所限四月初一日完糧南京江  
南直隸衛所限五月初一日完糧浙江  
江西湖廣各衛所俱限六月初一日完  
糧今不拘漕船衛所悉照兌糧地方由  
東河南漕糧俱限三月上旬江北漕糧  
限四月上旬江南漕糧限五月上旬浙  
江江西湖廣俱限六月上旬務要依期

盡到通灣照數全完如至期不到者領  
運把總及指揮千百戶違限一月以上  
降職一級二月以上降職二級三月以  
上降職三級仍提問正罪有情重者另  
議

崇禎三年七月十六日具

題本月二十日奉

聖旨漕運關係軍國甚重歷年稽遲總繇人情積玩  
釐舊圖新正在今日這酌定單例內如違限三月

勢必守東快運至此尚止降級何以示懲且領分  
開幫豈難如期應否計月立限又如折兌插和虧  
欠失帶等弊作何釐剔一一確議具奏庶便刻榜  
頒示永遠遵守至沿河淤淺閘座停阻分司各官  
畫地責成怠緩的巡漕御史指各叅處不得但該  
總河該衙門知道欽此

題叅奸弁陳伸等領運漕逋欠糧疏

題爲運官棄糧脫逃懇乞盡法提解完糧究罪以全儲額以明漕規事雲南清吏司案呈奉本部送據坐糧廳郎中丁流芳呈據

中都把總蔣承恩呈查得長淮衛指揮陳伸船四十四隻領運鳳陽等府州縣兌改正糧一萬四千一百七十五石零上年五月內兌完見旗見船呈明先行續兌桃源縣者因缺船雇覓落後趕幫其先行船糧隨幫百戶高尚忠押權奉文



截留天津交納而趕幫者陳伸管押凍阻濟寧  
地方乃於今年五月二十七日據長淮衛識宗  
曹文耀稟稱本衛幫官陳伸下旗甲羅汝秀先  
到天津奉文截留而百戶高尚忠糧未交倉卽  
行逃走文耀同各甲稟明兵糧廳收過正糧一  
萬一千八百六十六石一斗五升訖陳伸管押  
趕幫亦屢望不至嗣於四月二十五日據民船  
戶陳禮等止駕到三隻稱陳伸在靜海縣地方  
帶領腹伴俞喜程士仲等上京投文日久未回

民船泊岸風雨可虞隨同各役稟報兵糧廳將  
米照依合同起入歇家賀店共量平米九百五  
十二石候交文耀隨赴京找尋不獲本官逃走  
是的情繇到總覆查無異呈乞轉行天津餉道  
并行兵糧廳將陳伸廷幫續到之米查明收受  
仍乞緝拿陳伸高尚忠解京完糧究擬等因到  
廳據此案呈去年九月二十四日准漕運理刑  
王主事手本爲懇憐寒弁移文就便抵補掛欠  
事內開長淮衛指揮陳伸掛欠萬曆四十七年

分通糧四百七十九石九斗二升昌平糧三百

五十五石九斗天啓四年分昌平糧九百五十

五石七斗通糧六百一十八石一斗三升零又

欠倉支糧三千三百二十二石六斗三升零續

據本總蔣承恩報爲崇禎二年新運過淮查追

前欠據呈有新運應領篋羨銀二百二十九兩

七錢五分八釐堪以抵補舊欠其餘欠未完所

爲監追勿任脫回影射等因在卷准此看得陳

伸三次領運新舊掛欠幾及萬石百戶高尚忠

與經押催先運竟不赴倉交納皆以一避了倉  
朝廷奉養謂何況陳伸先經職廳三次行提倚津門  
作藏身窟穴抗拒不赴今復棄米河濱飄然長  
往如二弁者所當嚴爲叅題提解完糧究擬以  
做才風者也等因到部奉批運弁陳伸高尚忠  
先後俱逃該幫逢無一人掛欠查不可問豈成  
法體卽爲叅題追究奉此除將運到齊穀糧米  
九百五十二石移咨天津督部查收解充餉餉  
外又奉本部送據郎中丁流芳呈爲嚴提運官

漢文彙編

事內稱案查崇禎二年分沔陽衛領運指揮謝鵬舉岳州衛領運指揮謝萬琳糧坐天津交納完欠無憑查核行據天津兵糧同知王秉衡呈稱謝鵬舉該正耗米三萬六千九百九十六石四斗九升內放過併自囤實收過米二萬七千四百八十一石六斗掛欠米九千五百一十四石八斗九升零謝萬琳并帶管嚴恕正耗米二萬五千一百六十三石四斗八升零內除放過米一萬八千一百一十三石掛欠米七千五百

石四斗八升零細查二弁交糧完日先稱赴部  
投文詎知中途逃避已將原差李進明李印責  
治仍呈請本道轉詳本部院行提二弁至日另  
文起解呈覆到廳爲照謝鵬舉謝萬琳一欠九  
千五百餘石一欠七千五十石爲數不爲不多  
始稱長文催空繼而托病逃避豈有運官掛欠  
近萬而不預爲羈防押解任其逍遙途次差役  
李進明李印受賄賣放罪實難逃呈乞行提追  
究等因到部奉批運官謝鵬舉謝萬琳掛欠數

多脫逃可恨此法難輕貸者雲南司查議題奉  
以便行提追納奉此該本司查得長淮衛領運  
指揮陳伸隨幫百戶高尚忠同運漕糧互相推  
誘俱棄糧而潛逃沔陽衛指揮謝鵬舉岳州衛  
指揮謝萬琳在津交糧掛欠數多不思銷算輒  
爾脫逃以去均屬違玩相應參究案呈到部該  
臣等看得漕糧關係軍儲何等重大卽一類一  
粒俱期實用今查長淮衛指揮陳伸領運漕糧  
一萬四千一百七十五石零除先兌者責令隨

二幫百戶高尚忠押運以行而續兌者陳伸尾行  
趕幫謂宜竭蹶趨事以無悞重運乃高尚忠奉  
文截津竟不交倉先行兔脫而陳伸趕幫後至  
亦爾潛逃蓋以領運隨幫二弁互相推諉以至  
此耳除津門收過正平米共一萬二千八百一  
十八石一斗五升外其餘未完米一千三百五  
十七石零并尖耗米俱無着落又查陳伸掛欠  
萬曆四十七年分通糧四百七十九石九斗二  
升昌平糧三百五十五石九斗天啓四年分昌



平糧九百五十五石七斗通糧六百一十八石  
一斗三升九合五勺又欠倉支糧三千三百二  
十二石六斗二升八合零通計新舊尖耗共欠  
糧米幾及萬石以有額之漕糶恣奸弁之侵漁  
不加重懲何以振敝相應咨行總漕撫按嚴提  
追究務期完納以肅漕政至於沔陽衛指揮謝  
鵬舉岳州衛指揮謝萬琳身叨世祿念絕急公  
恣意吞肥畧無忌憚一欠漕米九千五百餘石  
一欠漕米七千五十餘石假校文而遠遁托差

病以支吾敝徒漕儲弁髦三尺似此玩法悞漕  
罪難輕宥合應移文總漕撫按一面勘產變抵  
一面提解來京仍將四弁俱叅送法司從重究  
懲庶法紀可望其彰明而漕政或立有振刷矣  
既經該廳詳報前來相應題

請恭候

命下臣部行文各該衙門一體欽遵施行

崇禎三年七月十九日具

題本月二十一日奉

聖旨姦弁陳伸等領運潛逃欠糧動以千萬計軍國  
大蠹法宜重懲卽行與總漕撫按嚴追完納仍差  
的當員役押解來京究治爾部還立限與他欽此

運務告竣查明題敘司屬疏

題爲運務告竣謹遵

旨查明題敘以旌勞臣事雲南清吏司案呈四月十一日奉本部送該起運凍糧郎中喻思慥奏爲  
運務告竣等事等因奉

聖旨凍糧告竣喻思慥拮据著勞著堂上官查明題敘欽此又該本部題爲恭報轉運凍糧事竣等事  
四月十三日奉

聖旨據報凍糧轉運已畢經管助運的都與紀錄獎

欽定大清會典事例  
卷一百一十五  
禮部  
勸該部還通將一年總數尖平徹底清筭具奏  
貯備催速完立限與他洋船准留借用不得委誤  
欽此通行欽遵在卷今又該本官奏爲確查已  
竣謹遵

旨奏報事六月十二日奉

聖旨這奏繳運糧用銀數冊知道了喻思慥准與紀  
錄優敘該部知道欽此欽遵行間隨據本官揭爲  
凍糧事竣謹畧陳運務始終等事內稱職於去  
冬荷蒙堂筭監收凍糧維特事出倉皇雖朝

夫不服卽往通州坐糧廳立索布袋量斛啓行時已  
有遵化之報涿縣務關人民俱逃車無隻輪夫  
無孑影真是束手無措再四熟思無限凍糧盡  
是賊虜往來出沒之衝非爲焚掠卽爲賫盜皆  
非計也臣不得已權宜設法進運官而諭之日  
爾等有能將此米運入城者卽筭爾等運入倉  
厥虜退卽准回空于是官旗踴躍爭先方有頭  
緒不意是月十六日督師袁崇煥提兵經過河  
西軍民誤認爲賊聞傳虜圍通州分兵四掠卽

官旗俱驚散如此鱗集河干者何也職思時緩則以搬運爲收歛事急則以權便爲收藏當令各官旗鑿冰中河堆冰東岸將凍船聯絡河中一以防賊剽劫一以防軍侵卒兩三日間露居野處不知死所幸仗

皇上如天之福無數漕船之米俱保無恙而賊竟無如何也自十一月十六日以至十二月二十二日賊與職爭道而馳職與賊拚死而運城門半開半啓車驟且運且守五十日間幸運入務城

米五十餘萬寄藏梗于河干米二十餘萬而賊  
又以焚船燬糧報矣職令官旗沉舟死守而糧  
船一千四百隻俱何幸而終保無恙也職于崇  
禎三年正月初二日入京復

命旋於是日奉

命出京并蔡村以及楊村河干一帶窖糧盡責之職  
是時虜尚寇內糧且寄外職恐此搬運窖藏者  
亦徒運徒窖耳又伏蒙

欽限初四日運糧入城不則以軍法從事之



旨雖各州縣派有車騾又苦鞭長難及不得已設法  
雇覓以應

明旨星夜赴附近天津等處募得車騾千百其數以  
濟燃眉之急而各州縣車騾始陸續至正僭運  
間又奉

聖諭春晷漸長報數須以漸增復思陸運如此能運  
幾許又不得已復赴沿海各處募民船千餘隻  
兼之河西剝船通州條剝泓船每日自黎明以  
至昏暮手口並作水陸齊運卽寢食爲之俱廢

於是囤米處所無論露積窖藏收米處所無論  
京通邊鎮自正月初四日起至四月初五日止  
前後共運過米一百三萬四千二百三十石零  
而局始竣矣總之所憑藉者

皇上之威靈所借以將事者

皇上之舟車所用以于來者

皇上之金錢職何力之有第自受

命以至今日只覺時如

天威之在上無敢頃刻怠緩耳等因到部送司除勅

戚廠監已經遵

旨酌議分別等次覆

請旌敘至尖平米數再四覆查逐厥磨對具在查明  
題報外其總運郎中喻思慥備竭心力歷盡艱  
危并經骨各官急公趨事合應遵

旨分別題敘以示激勸案呈到部該臣等看得漕糧  
露積河干正值虜騎衝突中外臣工共慮百萬  
軍糈不資盜糧必付灰燼屢屢

皇上宵旰之憂孳孳保全之計臣等仰體

睿慮俯竭愚忱期於顆粒俱存無致少有踈虞亟遣  
同官喻思慥等共謀收歛從兵戈擾攘之中爲  
搬運貯藏之法又從縱焚殺擄之時爲水陸轉  
輸之術舳艫漕米俱保無恙本官具疏復

命業已奉有優敘

明旨而臣等敢泯其勞績乎爲照總運郎中喻思慥  
義膽忠肝輕生赴險人之所畏懼而不敢往者  
勇往直前奮不顧身人之所退縮而不敢任者  
一力擔當毅能濟事當初奉監收之劄值虜破

遵城之時人民逃散風鶴皆驚本官激勵官旅  
令其爭先輸運極爲得策及督師之援兵通至  
通州之警報傳聞烟火斷絕搬運無術本官鑿  
水連艘旣消剽掠亦杜侵漁嗣是爭道而馳拚  
死而運搬入務城米五十萬餘自是開窖而菽  
沉舟而守寄囤河干米二十萬餘至奉有正月  
初四日運糧入京之

首本官則先多雇車驟以應燃眉之急而州縣勲戚  
之犬集皆其陸續以至者耳再奉有春豐漸長

報數須增之

資本官則先廣募民船以充飛輓之用而務關道廳  
之條剝皆其協運以助者耳自正月初四日起  
至四月初五日止前後共運過原收務城窖藏  
米并楊蔡二村等處米一百三萬四千二百石  
零而

京師蟻聚之軍民邊鎮雲屯之士馬始可借以果  
腹而無恐矣屢蒙

皇上嘉獎洵宜從優紀敘及查本官方以原銜題差

接管邊餉冊庫見在竭力宣猷似應候陞任  
於應陞職銜外再與加陞一級以彰勸典者也  
至于一時共事各官協力助勤尚繁有人如通  
糧廳郎中丁流芳河西務主事劉孔敬督催郎  
中朱萬年雲南司郎中楊應震武清收糧主事  
孫士髦大通橋主事王忠孝乞運廳主事林弘  
衍等或督理盤剝速轉輸而無停滯或寄囤收  
藏護漕米而裕軍儲經畫則舳舻飛馳稽核而  
奸弊肅清均於軍務有裨所當一併紀錄優敘

者也內郎中丁流芳主事劉孔敬等先是爲奴  
虜燒燬船糧緣繇於三月二十九日奉

旨戴罪督運完日議請定奪劉孔敬又爲遵

旨回話山東河南漕糧抵關剝運遲緩緣繇於四月  
二十四日奉

旨降一級戴罪管事主事林弘衍爲查明焚掠邊糧  
緣繇於六月初三日奉

旨戴罪督追攤賠完日奏奪郎中丁流芳又爲遵

旨回奏津糧腐塊緣繇七月十二日奉



旨降二級管事俱通行欽遵在卷以上三臣論過則  
法應戴罪論功實著有成勞或功過相準卽爲  
開復或新運事竣徐爲寬貸總候

聖裁非臣等所敢擅議也若夫五城及各州縣與効  
勞各官雇車助運功亦難泯查有中城兵馬司  
指揮傅恪東城兵馬司署印副指揮張胤振西  
城兵馬司陞任指揮馬習元北城兵馬司署印  
副指揮丁大魁永清縣知縣王象雲武清縣知  
縣王國訓文安縣知縣秦世英鄆縣知縣沈域

東安縣知縣盧躍龍候選副兵馬聶國光候選  
縣丞畢聯庚天津防河都司曾承業恨逆奴之  
犯順慮潛梟之有失雇車仍多賠補好義可嘉  
押運不憚劬勞急公堪念并宜遵照原

旨敘錄以爲勞臣之勸者也既經該司查明前來相  
應覆

請恭候

命下臣部移文吏部等衙門將郎中喻思慥俟陞任  
日於應得職銜上加陞一級其丁流芳劉孔敬

朱萬年楊應震王忠孝林弘衍紀錄優敘內下  
流芳劉孔敬林弘衍仍候

聖裁兵馬傅恪等知縣王象雲等都司曾承業並與  
敘錄一體欽遵施行

崇禎三年七月二十九日具題八月初六日奉  
聖旨舊運告竣勤績宜酬喻思慥俟陸任日加一級  
丁流芳劉孔敬林弘衍著於新運完日另奏朱萬  
年楊應震王忠孝各與紀錄傅恪等准并敘該衙  
門知道欽此

車戶脚價未明積書通同作弊疏

題爲車戶脚價未明積書通同作弊謹覆核清  
并議懲創以重漕儲以肅法紀事雲南清吏司  
案呈奉本部送據坐糧廳郎中丁流芳呈大通  
橋車戶陳應科等去年秋運進東倉米五十七  
萬五千三百六十二石四斗三升五合今年春  
運進東倉米五十七萬六千一百零六石四斗  
八升三合九勺二項共米一百一十五萬一千  
四百六十八石九斗一升八合九勺照則例每

石該銀二分一釐該脚價銀二萬四千一百  
十兩八錢四分七釐二毫九絲六忽九微去年  
秋運進西倉米九萬二千二百七十一石五斗  
今年春運進西倉米八萬九千一十六石七斗  
二項共米一十八萬一千二百八十八石二斗  
照則例每石該銀二分七釐該脚價銀四千八  
百九十四兩七錢八分一釐四毫秋春兩運共  
該脚價銀二萬九千七十五兩六錢二分八釐  
六毫九絲六忽九微及查去年領過銀兩自去

年七月起至今年正月止職廳止放過銀九千  
一百三十三兩九錢自二月以後徑繇該橋專  
請職廳不得而知矣等因到部奉批大通橋專  
戶去年通廳支放腳價既明今年在京支放者  
雲南司案卷可稽則有餘不足之數較然矣不  
足者補之有餘則扣透支限二日內說堂於七  
月初八日到司奉此例應雲南司漕科承行當  
有已革書手丁明不合仍行潛藏在司管稿因  
見前任郎中楊應震陞遷出司新任郎中吳惟

誠到任纔一二日未諳錢糧始末遂朦朧妄  
尚該銀一萬九千九百四十一兩零內除舊欠  
七千六百七十七兩尚該銀一萬二千二百六  
十四兩零又查該橋積欠銀除蠲免外尚欠  
千三百三十四兩零分作十年勻扣崇禎元年  
應扣銀一百七十七兩零實該找給一萬二千  
八十六兩零今歲東西二倉自二月初六日起  
至六月二十三日止運過新糧八十九萬五千  
七百餘石隨運隨給并無透支亦無遺欠等情

隨該本部查得脚價應找數多新糧數目不找  
知有情弊查係書手丁明具稿說堂當卽提出  
重責發兵馬司監候劄行通糧廳及大通橋驛  
查去後續據通糧廳郎中丁流芳呈奉本部劄  
付內開亟查大通橋軍糧車戶崇禎元年分漕  
糧秋運過若干春運過若干共該脚價若干內  
領過若干外長支銀若干並查天啓六七兩年  
主事張士良孫士髦任內經營過糧數脚價曾  
否銷筭明白逐一稽查原運過糧數及支領過



銀數備細開明呈報等因蒙此查得天啓六年  
分漕糧七年秋運進東倉米一百五十四萬七  
千三百五十九石六斗九升六合天啓七年九  
月內奉部劄每石加銀一釐給銀二分二釐該  
銀三萬四千四十一兩九錢一分三釐零進西  
倉米三十一萬一千二百六石六斗五合奉部  
劄每石加銀一釐給銀二分八釐該銀八千七  
百一十三兩七錢八分四釐零共該脚價銀四  
萬二千七百五十五兩六錢九分八釐零除給

過銀四萬二千五百九十三兩九錢七分五釐  
尚該找給銀一百六十一兩七錢二分三釐  
其天啓七年分漕糧元年秋運進東倉米一百  
二十八萬七千九十五石五斗六升二合零每  
石照舊則例銷筭給銀二分一釐該腳價銀二  
萬七千二十九兩六釐零進西倉米二十二萬  
二千六十五石二斗八升三合零每石照舊則  
例銷筭給銀二分七釐該腳價銀五千九百九  
十五兩七錢六分二釐零共該腳價銀三萬三

千二十四兩七錢六分九釐零領過銀三萬零  
千二百八十兩六錢尚該找給銀一千七百四  
十四兩一錢六分九釐零其二年秋運係元年  
分漕糧進東倉米五十七萬五千三百六十二  
石四斗三升五合照舊則例每石給銀二分一  
釐該脚價銀一萬二千八十二兩六錢一分一  
釐零進西倉米九萬二千二百七十一石五斗  
照舊則例每石給銀二分七釐該脚價銀二千  
四百九十一兩三錢三分零二項共銀一萬四

千五百七十三兩九錢四分一釐零除給過銀  
八千八百七十三兩九錢又應扣本年該分扣  
勾扣冊上舊欠銀一百七十七兩八錢七分二  
釐零實該作領過銀九千五十一兩七錢七分  
二釐零尚該找給銀五千五百二十二兩一錢  
六分八釐零其崇禎三年春運凍糧并見運新  
糧共進東西倉米一百二十五萬三千五百九  
十五石有奇見奉新例係大通橋自行領銀應  
於該橋取數銷筭外等因奉批雲南司覆筭奉

此又奉本部送據大通橋主事王忠孝呈同前  
因奉批據筭亦似明晰果與通廳不相悖否外  
有十年勻扣一千三百三十餘兩今既有銀亦  
當扣除速行銷筭具題奉此該本司遵將通糧  
廳大通橋各造報清冊細加磨筭查得大通橋  
軍糧車戶凡進京倉之米東倉每石給腳價銀  
二分一釐西倉每石給腳價銀二分七釐至天  
啓七年分車戶告乞增價本部前任郭尚書劄  
行每石量加一釐今查自天啓七年秋運過天

啓六年漕糧共該腳價銀四萬二千七百五十  
五兩六錢九分八釐零除給過四萬二千五百  
九十三兩九錢七分五釐尚該找銀一百六十  
一兩七錢二分三釐零此以東西兩倉每石各  
加一釐而筭也至崇禎元年秋運過天啓七年  
漕糧每石腳價照舊例銷筭在東倉者二分一  
釐在西倉者二分七釐共該腳價銀三萬三千  
二十四兩七錢六分九釐除領過三萬一千二  
百八十兩六錢尚該找銀一千七百四十四兩

一錢六分九釐零其崇禎二年秋運過崇禎元  
年漕糧每石亦照舊例銷筭共該腳價銀一萬  
四千五百七十三兩九錢四分一釐零除給過  
八千八百七十三兩九錢又應除本年分勻扣  
舊欠銀一百七十七兩八錢七分二釐零尚該  
找給銀五千五百二十二兩一錢六分八釐零  
是從天啓七年筭至崇禎二年止共該找腳  
價銀七千四百二十八兩六分一釐零今奉堂  
諭又將車戶舊欠銀一千三百三十三兩九錢

盡行全扣只該給我銀六千三百七十二兩三  
分三釐零此倉三年內通廳清筭之數也又據  
大通橋呈稱崇禎三年春運崇禎元年凍阻漕  
糧合東西兩倉共進米六十七萬六千四百九  
十六石零每石腳價仍以舊例筭共該銀一萬  
四千七百四十兩五錢一分零又崇禎三年運  
崇禎二年分新糧自四月十六日祭壩起至七  
月十八日止共進東西倉米五十七萬七千九  
十九石每石照舊例銷筭共該銀一萬二千二



百三十七兩一錢一分零以上本年合春運米糧并今新運通共進倉米一百二十五萬三千五百九十五石一斗二升三合通共腳價銀二萬六千九百七十七兩六錢三分零除領過銀二萬五千兩尚該找銀約二千兩見在請發前後數目查明除新運腳價隨給外原欠數目應否找給相應具題案呈到部該臣等看得漕儲

關

國家命脈輕賞爲漕糧運脚出入稍失稽覈錢糧

必有侵冒况近繇通庫改入太倉此宜何如惟  
重查大通橋車戶轉運漕糧進東倉者每石腳  
價二分一釐進西倉者每石腳價二分七釐此  
歷來成例也天啓七年前任尚書郭允厚每石  
加增一釐此係一時私增未經題明者也方今  
太倉匱乏經費不支臣等方鯁鯁懼之况未題  
請豈敢任意增加不謂車戶陳應科等一百三十二  
名積後奸猾慣圖射利乃於近年新支腳價內  
提出七千六百七十七兩捏稱遠年不敷扣名

色妄請勾扣希得多找價銀又通同積書下項  
朦朧混開改新作舊增少爲多夫運未完而據  
臂請價價既領而轉眼支吾且舉驟增之例執  
爲一成之額析之錙銖合之千萬矣臣因與之  
徹底清筭今據通廳銷筭臣部覆核大都天啓  
七年仍照前部臣詳允每石加給一釐崇禎元  
二兩年俱照舊例免加又舊欠銀一千三百三  
十餘兩既有應找之銀亦應併除實該找給銀  
六千三百七十餘兩又據大通橋主事王忠孝

報稱本年春運并新運隨運隨給并無短少是  
在昔年運已終而價猶多逋今且運未完而價  
已旋發矣卽有積欠透支銀兩客冬業以

皇儲誕生題

請蠲免徼

天恩之浩蕩矣而陳應科等猶哓哓無已者何哉總  
緣積書丁明作奸舞文與陳應科等表裏合謀  
遂以新運糧五十七萬有奇開爲八十九萬以  
二年應找銀六千三百七十兩開爲一萬九千

餘兩以近領七千六百七十餘兩捏係遠年  
殊愕然因駁行通廳通橋覆查而前弊盡露  
使臣等聽其朦蔽不爲稽覈則此萬餘金錢  
落奸書積後之辜可爲痛恨者此也獨不思

國家數十萬輕賫向爲各地方掛欠乾沒者幾半

幸賴

聖明銳意清查疏濬臣以警之嚴撫接以督之然後  
輕賫源源臣部始得藉手爲

朝廷用而猶敢悠忽闇昧輕付開銷亦大負

皇上之任使矣所幸發覺差早銀未經領然而蠹書積役欺公扞罔亦

國法所不赦也至於該橋車戶近遭虜警之後頗聞車畜散失工價騰貴不無稱苦稱累然只宜據實控告而不宜朦蔽作奸其應找舊欠容令臣部陸續補給以濟新運若果從此苦累未已則前此所增一釐之數不妨明白入

告續請增加者也向以運事方殷其車戶陳應科未便提究止將丁明重責羈禁伏祈

皇上勅下法司將丁明陳應科查照律例從重究  
以爲茂法耗帑者之戒則漕政肅清而法紀彰  
明矣臣等無任悚息待

命之至

崇禎三年七月三十日具

題八月初六日奉

聖旨丁明陳應科着法司從重究擬具奏欽此





期糧多凍阻今歲賴

聖天子之威靈漕事挽遲爲速此時軸轆飛輓御尾  
北上計過津者已如許則今歲漕運自可刻期  
告竣而津門春運三十三萬旣無凍糧可截似  
不得不蚤爲籲請也咨煩俯念津門海運係關  
寧安危糧糈實三軍命脉查照往例希將今歲  
漕糧內坐撥三十三萬石仍祈蚤定幫次咨示  
等因又奉本部送據坐糧廳郎中丁流芳呈爲  
設法截留津糧以杜觀望事內稱津糧截留

愚以爲應截未幫蓋以連年凍阻多在天津上  
下今歲雖過淮差早然恐河道淺濫稍或紆紿  
未必不歷秋而冬也一至冬寒卽虞凍阻故職  
請先期酌定令前進幫次飛輓以足京通之額  
未後零船悉令留津每船約以五百石爲率留  
船六百六十隻便儘三十三萬之數卽偶有凍  
阻亦不致有悞關鮮起運而竣竣之期亦可速  
矣若必截解整幫恐今年各衛奉有隨允隨開  
之令淮單開載多係先後參差致滋逗遛之端

是亦遲漕之一實也等因蒙督部批計船截留  
恐數不的仍許前部候行又奉本部批截留未  
幫以免觀望自是定論卽呈詳督部速行明歲  
仍照總漕輪截之規預定于先凡今歲之已截  
者勿復再截庶令榮枯適均耳津米之存留者  
俱另有銷筭及轉運薊門已無餘矣此時當淨  
截津糧三十二萬再截糧十萬石在于津門務  
關之間以備薊用可也奉此除薊糧十萬已經  
另疏具題奉

旨允行外又准總督倉場尚書孫居相咨稱今先將  
浙直末後零幫據漕院開報過洪船數支冊內  
挨截三百七十一船每船權以五百石計大約  
共米一十八萬五千五百石又約筭尖耗免晒  
米二萬七千餘石除咨天津部院及牌行遼餉  
道照依開後船數查收去訖其餘俟青冊到日  
酌筭糧數於江廣末幫內撥派以足三十三萬  
之數煩爲查照內開南直截津船二百六十隻  
計甯江左衛指揮嚴用中船四十七隻武德衛

指押張雲翰船三十三隻金吾後衛千戶閻光  
大船三隻留守右衛指揮李成龍二十六隻  
安衛指揮張李鷹船七十八隻水軍左衛指揮  
楊肇東船九隻龍虎左衛指揮周維藩船十九  
隻橫海衛指揮楊令名船三十五隻浙江截津  
船一百一十一隻計嚴州所千戶楊一鳴船三  
十三隻台州衛千戶戴國寵船二隻紹興衛千  
戶唐際盛船四隻處州衛指揮胡國光船一十  
七隻台州衛指揮於天資船十五隻温州衛指

揮張陽旦船三十四隻寧波衛指揮潘萬里  
六隻等因到部送司隨卽呈堂移咨天津餉部  
及劄天津司道查截去後事干軍餉相應具題  
案呈到部該臣等看得津門截漕原爲關鮮兩  
運急需本色北地召買無多帶運漕糧可用蓋  
一時權宜計耳不料節年奸猾官旗盡人希截  
逗遛觀望鑽營百出運事日壞職此之繇先該  
臣部於崇禎元年十二月內覆總漕部院李待  
問疏議於糧船啓行日預定輪截之規業奉

俞旨遵行在案客冬又以虜倣留津數多而前規  
索矣登崇禎三年分應截津糧五十五萬石

該臣部於本年二月內題奉

欽依准於去冬凍糧內留二十二萬於津門抵作  
年秋截之數尚少春截三十三萬石亟當并截  
於今秋茲准餉部督部咨議并據坐糧廳呈請  
前來似當以截留尾幫爲主俾漕艘之在前者  
安心前進無復別生覬覦而今歲之所已截者  
明歲不得再截以杜趨避之私以復輪截之制

斯亦理法之當然者也督部因津門催請緊急  
量截浙直漕船三百七十一隻約米一十八萬  
五千五百餘石雖非盡屬尾幫然亦僅得其半  
耳此外尚該再截津糧一十一萬四千五百石  
并新奉

旨截留薊糧十萬石俱以專截尾幫爲主行令巡漕  
御史查明幫次船隻轉報督部務求歸於畫一  
不得別有紛更者也至於收受之規除正改尖  
耗外每石量加免晒揚米五升遼米量加耗米



一弁俱作正支銷視之入京通倉者尤爲輕者  
不貲升合無容假借如有插和糠土情弊仍須  
盡法晒揚著爲定例庶積弊漸滌而漕規亦肅  
矣既經餉部督部及坐糧廳酌請前來理合具  
題恭候

命下臣部行文各該衙門一體欽遵施行

崇禎三年八月初二日具

題本月初五日奉

聖旨津門漕糧准如數截留但須預定尾幫用杜觀

望分歲輪截以省趨避不得權宜更議至收受應  
加耗米俱要作正支銷不得假借升合該衙門知  
道欽此

題叅泗州衛隸募猾棍攬運盜迹疏

題爲猾棍攬運盜糧棄米潛迹大壞漕政乞

勅嚴追重劄以厘積弊事雲南清吏司案呈奉本部

送據坐糧廳郎中丁流芳呈奉本部批據遮楊

總下泗州衛百戶潘惟沐呈稱奉牌坐委領運

山東河南漕糧除虜焚缺船雇民船裝運外見

運海船二十四隻每船該裝米六百石豈惡舵

王玉等二十三名結黨刁難指勒行糧三百一

十九兩每船止裝米三百餘石通共裝米七千

七百石後見中途打囤得遂已私每船起米百

石留囤蔡村及至抵通前後影射俟囤米至日

一總銷筭駕船竟回棄米潛逃共盜去漕米一

千五百餘石泣思節年群舵盜揚漕米動則萬

千近日坑官倉冤極枯十有八九若不嚴加追

究奸黨益無天日但臨清州額設本衛官廠回

空糧船住創之所其舵役亦係州人逐年獲利

置產漕糧恣意侵漁請批坐糧廳移文臨清兵

備道照名嚴拏解部追糧追銀正法正罪等情

并開王玉盜米七十五石李尚義盜米八十八石聶子旺盜米八十八石七斗曾義盜米六十八石楊應魁盜米五十五石劉科盜米六十九石七斗曾信盜米六十三石馬進盜米七十五石王金盜米五十九石曾禮盜米五十九石曾志盜米六十六石周才盜米九十五石張九州盜米七十七石張倫盜米六十五石辛汝年盜米五十石馮進舉盜米八十八石閻江盜米七十三石七斗徐子明盜米七十一石李可久盜米

七十四石楊應元盜米七十五石二斗金大明  
盜米七十石李子富盜米四十六石張龍盜米  
一百六十石具呈到部蒙批此新糧耶抑凍糧  
耶如何掛欠數多而運官與船戶互相推諉也  
此法在不宥不可不亟問者通糧廳查確速報  
奉此查得通漕領運有官必有旗完糧則官有  
盤纏旗給羨餘欠糧則官旗一併嚴追旗有欠  
糧先辦者必行原籍變產完補至產盡丁絕方  
已此漕運議卑昭然可考也乃泗州衛節年官

旗自相貓鼠旗甲安坐不來止雇舵工駕運及  
至抵關到通自知侵盜糧少應有起欠輒不候  
起完先自逃去貽累運官受比有欠至數千甚  
至萬石者職廳切齒恨之久矣雖節蒙本部條  
議申飭無不嚴切詎彼習染成風牢不可破今  
歲新運百戶潘惟沐因虜焚缺船雇募民船之  
外見運海船二十四隻亦係舵工王玉等攬駕  
先領糧銀入手及裝糧米行至蔡村每船先起  
百石打囤及至抵通本弁查恐短少彼此支吾

影財俟囤米至日總筭乃各舵竟駕船棄米先  
逃以至追之不及盜欠數多獨貽該弁羈比因  
有此告積弊相沿情殊可恨今若不行嚴追正  
法將來益無顧忌合無呈乞劄行臨清兵備道  
將原駕舵役王玉等二十三名照名照欠嚴追  
人銀解部盡法懲治仍祈咨會山東河南二省  
撫院嗣後總屬衛所領運務必責令官旗互相  
領駕不許旗甲在家轉雇偷安貽累運官庶漕  
糧肅正而奸旗知儆將使偷盜除而掛欠鮮矣



等因奉批衛官不僉旗甲而止令舵工包攬此  
一大弊也舵工不候漕糧交完而徑自棄糧逃  
回又一大弊也不意漕規

祖制漸滅殆盡如此年來泗州一衛侵逋數多已成  
極重難返之勢若不大加懲創長此安窮雲南  
司速行移文追究仍查議具題奉此除呈堂咨  
行總漕部院并山東河南巡撫轉行臨清兵備  
道先將舵工王玉等嚴拏追解外查得議單一  
款近該本部條議題

准運糧旗甲務將殷實從公僉派勿致規避抵以豪  
猾無賴充數及雇募外水滋弊敢有棄撤船糧  
私自逃回行該衛追賠欠數及原領月糧仍移  
會各軍門竅追糧完日照例調邊衛充軍今舵  
工王玉等二十三名攬運侵盜棄米潛逃相應  
題叅案呈到部該臣等看得漕法僉派旗甲務  
求殷實禁絕雇募誠慎且重也今泗州衛百戶  
潘惟沐管領山東河南漕糧當領運之日值處  
燬缺船除雇募民船外尚有見運海船二千四

隻正宜僉派正身旗甲嚴責管押抵壩進倉庶  
可無虞乃該衛節年以來運官既貓鼠不問而  
各旗又恣意偷安雇募積年猾棍攬駕以致盜  
糧脫逃逋欠數多積弊相尋恬不爲恠如新運  
海船舵工王王等二十三名攬駕本衛漕米行  
糧先已入手及運至蒸村每船輒起米百石打  
囤逮後抵通交運藉口總筭巧爲影射支吾而  
遂棄米潛逃追究無及總計各船欠米一千五  
百餘石以顆粒徵之民間者如彼其難而侵盜

歸之若輩者如此其多漕政之壞安所  
經臣部移咨總漕部院及山東河南巡撫將王  
玉等二十三名所盜糧米按名按數盡法盡追  
猶恐非經題

請奉行不力無以警人心而振積玩合俟

命下再行移文督撫將積猾舵工王玉等追糧解凍  
仍後糧完之日從重擬罪至該衛官旗僱募壞  
漕之弊亦應併懲以後仍嚴飭該總并各運官  
務儉殷實正身旗甲管押照例議單取具互結

如仍前偷安轉僱以致有侵盜者官旗併究連  
坐庶人心共惕而漕政有瘳矣既經該司具呈  
前來相應題

請恭候

命下臣部行文各該衙門一體欽遵施行

崇禎三年八月初二日具

題本月初五日奉

聖旨王玉等攬運盜逃大干法紀着行該撫按盡緝  
嚴追衛弁領運如何不愈旗甲却用猾棍悞漕好

生可惡潘惟沐着行監比通候完日奏奉以後  
舡官旗有不係正身以雇募充數的定寘重典該  
部即與通飭欽此

凍糧事竣清筭總撤尖平數目疏

題爲恭報轉運凍糧事竣以慰

聖懷事雲南清吏司案呈四月十三日奉本部送戶  
科抄出該本部題前事奉

聖旨據報凍糧轉運已畢經管助運的都與紀錄獎  
勸該部還通將一年總數尖平徹底清筭具奏津  
貯儻催速完立限與他洋船准留借用不得委悞  
欽此欽遵抄出到部送司案查客歲起運凍糧  
業蒙本部疏開一欵漕糧起運從來以加二五

進倉今議所運凍糧姑准以一石二斗爲額去  
五升以示寬加二斗以存羊又一款每米一石  
量免晒揚五升正兌以一石二斗爲額改兌止  
以一石一斗二升爲額隨到隨收令司倉者自  
爲晒揚另作銷筭如隨時支放者不准開耗如  
換輪入厥者合於前項數內減去五升以作晒  
揚之費其各官旗交不及數者仍以掛欠論等  
因在案今奉前因遵將一年總數尖平米移咨  
總督倉場轉行京通二廳徹底清查去後隨於



五月二十八日奉本部送准督部咨行據京糧廳郎中竇星呈稱一年漕糧前後入倉總數該臣行准六倉陸續移會前來臣復逐一磨筭查得崇禎二年分漕米在本年進過秋糧每正米一石照漕斛加二五進倉及晒場外止除耗米七升尖米四升二合餘給官旗在三年春運遞凍糧每漕斛米一石內免五升正兌以一石二斗爲準改兌以一石一斗二升爲準尖耗卽在其內因今歲起運凍糧俱未掣坐紅單無從分

別正改各監督止照進倉漕斛俱以加二折筭  
其寬免五升并正改數目俟該倉晒收完日詳  
請另行銷筭外今

明旨既有尖平字樣不得不於此加二數內將一斗  
一升二合科筭尖耗其餘攤作平米蓋以加二  
筭運官進倉之數而以平米筭將來支放之數  
庶尖平明白而收支清楚等因併尖平糧數文  
冊咨覆到部又奉本部送據坐糧廳郎中丁流  
芳呈送通州中南西倉尖平糧數文冊前來該

本司查得京倉冊開晒揚筋折米數或有或無  
俱未畫一又通倉冊開尖耗數目與京倉互異  
通行駁查去後今於六月二十四日續准京通  
各倉冊揭前來該本司逐一磨算明白內據舊  
太倉揭開漕遠二糧正米共二十八萬一千四  
百六十九石四斗六升三合八勺四抄五撮耗  
米一萬六千五百八十一石一斗四升五合九  
勺三抄七撮六圭五粟尖米九千九百四十八  
石六斗八升七合五勺六抄二撮五圭九粟內

晒揚過米入萬五千四百五十八石九斗三升  
三合每石虧折五升共虧折米五千一十三石  
七斗七升七合實除平米七千五百七十五石  
八斗二升五合四勺一抄南新倉揭開漕遠二  
糧正米共三十一萬六千九百二十四石三斗  
三升六合八勺七抄耗米一萬八千七百四十  
二石四升九合七勺七抄五撮九圭尖米一萬  
一千二百四十五石二斗八升二合六勺六抄  
五撮五圭四粟內晒揚過米一十一萬二千九

百五十三石二升七合八勺每石虧折五升共  
虧折米五千四百二十七石七斗四升二合實  
餘平米五千二百八十二石九斗三升七合六  
勺海運倉揭開漕遠二糧正米共三十七萬七  
千八百五十二石二斗一升七合三勺三抄六  
撮耗米二萬二千五百三石一斗五升五合一  
勺八抄二撮二圭尖米一萬三千五百一石八  
斗九升三合一勺九撮三圭二粟內晒揚過米  
一十三萬二千八百八十四石六斗九升二合

五勺虧折米六千六百二十八石二斗三升四  
合六勺二抄四撮實餘平米八千四百八十五  
石三斗五升八合一勺六抄北新倉揭開漕遺  
二糧正米共二十三萬三千八百六十七石九  
合七勺五抄一撮耗米一萬一千六百七十九  
石三斗二升六合四勺五抄八圭二粟尖米七  
千七石五斗九升五合八勺七抄四圭九粟二  
粒晒揚過米六萬四千四百一十五石虧折米  
三千二百二十石七斗五升實餘平米三千六

百四十六石七斗五升六勺九抄六撮西新倉  
揭開漕遠二糧正米共二十一萬九千八百二  
十九石七升五勺耗米一萬四千一百二十四  
石三斗六升三合四勺五抄尖米九千六十七  
石八斗二升八合四勺九抄四撮九圭內晒揚  
過米六萬三千六百五十三石二斗虧折米三  
千一百八十二石六斗六升七合五勺實餘平  
米四千九百一石八斗六升三合七勺一抄三  
撮四圭祿米倉揭開漕遠二糧正米共一十六

萬三千五百三十五石七斗八升六合二勺  
米九千九百五十四石五斗九升二合四勺  
抄尖米五千九百七十二石七斗五升五合二  
勺七抄八撮內晒揚過米六萬三千四百一十  
七石五斗虧折米三千一百七十石八斗七升  
五合實餘平米六千七百一十一石二斗七升  
九合六勺八抄八撮通州中南倉冊開漕造二  
糧正米共二十三萬三千四百七十五石六斗  
二合二勺六抄七粟四粒耗米九千一百九十



七石三斗七合八勺五抄二撮七圭二粟四粒  
尖米八千七百九十石八斗二升五合三勺五  
抄九撮七粟八粒內改兌平斛米二萬六千五  
百八十四石二斗九升九合六勺一抄六撮晒  
揚磨折每石五升共計一千三百七十六石一  
斗四升七合九勺九抄五撮六圭內緣改兌以  
一斗二升爲準除尖耗外缺額米五百一十四  
石五升七合一勺三抄六撮六圭二粟四粒應  
以正兌餘米補足又正兌米八百七十三石六

斗晒揚麩折米三十九石二升三合八抄二撮  
四圭實餘平米二十二石九斗五勺九抄七撮  
六圭西倉冊開漕遺二糧正米共二十二萬二  
千四百九十三石六斗三升六合八勺六抄二  
撮八圭四粟耗米六千二百六十四石六斗三  
升九合八勺六抄尖米六千八百四十石九斗  
八升六合七勺二抄七撮一圭二粟內改兌平  
鮮米一萬七千六百九十八石三斗二升四合  
五勺六抄晒揚麩折米八百八十四石九斗一

升六合二勺二抄八撮內緣改兌以一斗二升  
爲準除尖耗外缺額三百一十石九斗八升四  
合八勺九抄五撮八圭四粟應以正兌餘米補  
足又正兌米二萬五千三百九石二斗晒楊虧  
折米一千二百六十五石四斗六升實餘平米  
一千一百八十七石八斗四升五合一勺二抄  
以上京通各倉一年入倉尖平米總數俱徹底  
清查覆覈明確相應具覆案呈到部該臣等看  
得倉儲關軍

國重計匱乏爲眉睫隱憂各歲凍糧二百餘萬正  
當虜騎充斥之地業該臣部多方搬運入城及  
就近窖藏以避戎馬蹂躪之虞今幸俱入倉庫  
仗我

皇上如天之福得以保全無恙復蒙清查一年尖平  
米數誠慶時籌

國之深思也又查舊例起運漕糧俱以加二五進  
倉以尖耗一斗一升二合銷筭而不求多焉今  
虜變之後有入城者有窖藏者官旗不無虧累

之苦議免五升以示優卹正兌以一石二斗爲額改兌以一石一斗二升爲額聽司倉者自爲晒揚減去五升以爲虧折之費官旗交卸有不  
及數者仍以掛欠論題奉

欽依在案今據京倉開報漕遼二糧正米共一百五十九萬三千四百七十七石八斗八升四合五勺二撮耗米九萬三千五百八十四石六斗三升三合二勺六撮五圭七粟尖米五萬六千七百四十四石四升二合九勺八抄八圭四粟二

粒仍餘平米三萬六千六百四石一升五合二  
勺六抄七撮四圭通倉漕遼二糧正米四十五  
萬五千九百六十九石二斗二升九合一勺二  
抄一撮九圭一粟四粒耗米一萬五千四百六  
十一石九斗四升七合七勺一抄二撮七圭二  
粟四粒尖米一萬五千六百三十一石八斗一  
升二合八抄六撮一圭九粟八粒仍餘平米一  
千二百一十石七斗四升五合七勺一抄七撮  
六圭合京通而計之共正米二百零四萬九千

四百四十七石一斗二升三合六勺二抄三撮  
九圭一粟四粒共尖耗米一十八萬一千四百  
二十二石四斗三升五合九勺八抄六撮三圭  
三粟四粒共餘平米三萬七千八百一十四石  
七斗六升九合八抄五撮內以八百二十五石  
四升二合三抄二撮四圭六粟四粒抵通倉一  
斗二升不足之數共實餘平米三萬六千九百  
八十九石七斗二升六合七勺八抄二撮五圭  
三粟六粒通計漕遠正尖耗餘平米共二百二

十六萬七千八百五十九石二斗八升六合六  
勺六抄二撮七圭八粟四粒此崇禎二年起運  
元年分漕糧入京通二倉之米數也再照一年  
總數原額四百萬石外帶運遼糧三十八萬二  
千二百一石九升四合二勺共四百三十八萬  
二千二百一石九升四合二勺零內除永折災  
折糧三十五萬七千四百三十三石五斗四升  
一合四勺零又昌平薊密天津邊糧四十七萬  
一千五百三十七石三斗又每年留截海運關



解米五十五萬石又凍糧內議留本年津門秋  
運米二十二萬石今京倉收過正米一百五十  
九萬三千四百七十七石八斗八升四合五勺  
二撮通倉收過正米四十五萬九千九百六十  
九石二斗二升九合一勺二抄一撮九圭一粟  
四粒又運薊鎮米二萬石又運永平賑濟米二  
萬石又續運薊鎮米五萬石又運薊鎮米三千  
石又陸運薊鎮米八萬三千二百四十六石五  
斗又給海防營護餉行糧浙兵行糧及天津左

右通津三管城守行糧共二萬四千七百七十一石二升四合九勺又借發關寧海運候召買補還米二萬九千八百三十一石三斗又津門續運入通倉米二十萬三千九百八十六石六斗三升七勺五抄又通糧廳河西務鈔關爲奴虜燒燬船糧被殺擄船戶旗軍豁免米七千一百四十四石二斗未漕殺擄船戶旗軍四六均賠米二萬二千八百七十石八斗又留守左衛指揮張國紀趕幫未進倉米一萬七千九百三

十一石三斗又巡漕題報漂惠米一萬六千一百四石七升零通共四百一十四萬七千三百三石七斗八升六勺七抄零外欠二十三萬四千八百九十七石三斗一升四合五勺零此前後共通正米四百三十八萬二千二百一石九升四合二勺一年之總數也至所欠糧數各通官名下尚有應領管羨及各旗軍行月糧銀見在銷筭扣抵如再不完俱着實監禁比追仍行各該糧道緝拏家屬勘產變抵完官較前運巡

倉御史宋師襄查叅各官欠數計三十二萬有  
零此運雖在兵火之餘尤爲差可者矣竊照漕  
規往例有耗尖而無平米今於耗米之外除晒  
揚虧折之外猶積有餘平米三萬六千九百有  
奇良以入倉之米有隨收隨放者未經晒揚故  
得免於虧折之數卽正兌進倉者每石加耗八  
升八合亦間有用不盡者臣令各倉逐一清籌  
故不惟無虧於額內抑稍有溢于額外此皆臣  
等仰體我

皇上之心顆粒必惜升斗必計再四申飭而各司屬亦皆嘔心竭力百分樽節而後能得此耳既經京通各倉徹底清筭開報前來相應覆

請恭候

命下臣部行文各該衙門一體欽遵施行

崇禎三年八月初三日具

題本月初十日奉

聖旨知道了欠糧着銷筭明白不完的仍立限追比

欽此

查明漕糧過壩口袋停壓絲繇疏

題爲奉

旨查明漕糧過壩口袋停壓緣繇謹據實回

奏以祈

聖鑒事雲南清吏司案呈七月二十四日奉本部送  
戶科抄出總督倉場尚書孫居相題爲恭報過  
壩糧數事奉

聖旨這五日內運過京通糧數已有旨了口袋停壓  
是何緣故速查來奏欽此欽遵抄出到部送司隨

該本司呈堂劄行大通橋京糧廳查明具奏去  
後今奉本部批據京糧廳署郎中事主事實呈  
呈奉本部劄付卽移六倉行查去後准舊太倉  
監督員外宋應軫回稱職倉收受漕糧自十三  
日起十七日止收過錢糧俱是卽時傾倒惟十  
四日進米差少祇緣歇脚等役因去歲秋糧工  
價經奴虜之變未得赴通支領隨衆往廟會議  
車戶遂借口各倉收受無人停米道中其實倉  
中未嘗停壓也又惟南濟二倉監督主事張堪

海運倉監督員外笄繼良北新倉監督員外笄  
抱素西倉監督主事丁明登祿米倉監督主事  
范廷弼等各稱本倉倒袋必憑車夫騾夫交割  
回票本廳嚴令歇脚等役隨到隨卸並無停壓  
惟十四日因倉役去歲秋糧工價未赴通州支  
領延及至今隨衆往廟議領車戶聞風遂停米  
道中實非倉中停壓也各等因准此查得漕糧  
運卸在本部屢檄嚴催稽查停壓與各倉橋奉  
行督促亦既不遺餘力矣惟七月十四日各倉



役廟會聚衆一齊俱往名爲乞討工食之計實  
爲要挾逃竄之謀以致倉內之口袋壅滯而不  
得出橋上之糧米堆積而不得入論所壓之數  
在倉與橋各居其半而其實留滯於道塗者甚  
多事起倉卒各監督旣不能逐人而手執之卸  
糧無人各監督又安能逐袋而親倒之幸賴本  
部出牌招撫各倉役次日卽至而本日之停壓  
固已甚矣六倉歇脚不下千餘名其中良善者  
非無而克頑者亦自不少意以不假逃之一字

不足以挾上一倡百和風聲遂起在車未亦催  
口於歇脚之已逃置糧而去交割無人兩相就  
聞此時悞事又倉役與運役各執其咎也口袋  
停壓職此之絲及查各役前歲運價當在通庫  
算帳方於京庫補支顧乃率衆把持倡言逃散  
漸何可長近蒙本部駁查明白共發過各倉銀  
五千八百五十八兩六錢有奇從此人心鼓舞  
可以星速起卸無復停壓之虞矣又奉本部送  
據大通橋主事王忠孝呈稱糧米湧集轉輸宜

速查前月十四日各倉歇脚議領去歲秋糧  
價聚眾要挾通橋單戶聞風亦復趨超中途  
袋未免停壓前任督部報疏及之致煩

聖明詔問溺職之響職橋誠不能自諉矣此後連日  
催儻并力轉運期於不至稽悞所有停壓情節  
不敢不據實自鳴也等因到部送司案呈到部  
該臣等看得漕運錢糧上厝

聖慮臣等竭蹶而圖冀待源源相續前後無壅少妨  
犬馬之力而十四丁五兩日之間偶有日袋停

壓之事則以六倉歇脚議領去歲秋糧工價  
萬一千七百餘兩而臣駁行清查未能遽廢其  
欲實有結黨要挾之意也先是輕賞銀兩在通  
支領情弊固多而拖欠亦多茲奉

旨改貯京庫一切出納務求清楚一切積弊務求釐  
剔斯實臣之職也臣之事也見年工價按期給  
發俾令人沾實惠而舊日脚價中間長領預借  
恐不盡無誠不容不一查者一行通糧廳則查  
其應得脚價及前此領過之數一行京糧廳則

查其運過米石及今日應得之數於是一二  
頑之徒恫疑虛喝恐有裁節鼓衆潛逃大悞公  
事脚夫一唱而車戶亦因而藉口便謂倉中  
受無人兩相觀望互爲耽閣而口袋壓間之事  
所從來矣比時臣因運務緊急不便深求隨以  
白牌招而撫之若曰脚價查明卽與未嘗吝也  
而何掉臂之有蓋脫逃在十四日而歸來在中  
五日臣復催促京通二廳速行查明量給京倉  
舊欠脚價一半共給銀五千八百五十八兩

錢有奇然後倒袋轉運始如其舊事後臣令京  
糧廳查訪其爲首者在新太倉爲陳國清張寶  
陳天福唐志在舊太倉爲牛化龍在南新倉爲  
馬雙槐在海軍倉爲穆遇春劉文元共得八人  
名雖討領意實要挾繩以三尺似不容貸但運  
事方殷則歇脚之用未已事于人衆則疑畏之  
心宜定合無行京糧廳將各渠魁分別懲治枷  
號盡行革役不必再下法司以寬一面之網而  
速目前之運則寬嚴並用之道也至於完糧脚

價五項內房水一項乃旗軍薪水之資因在歇家安下所以給與歇家又有旗軍已逃而歇家仍領房水者此卽所謂冒破也舊例倉場總督查有逃旗追銀還庫上年秋糧各旗私逃頗多與其日後追扣不若先期截支况係補給舊帳似難盡徇今議於腳價內量扣十分之一則可以懲奸頑可以明節省而亦可以速運務矣臣草疏甫畢又因潛臣龔一程疏奉有口袋阻壓有

旨詰問如何尚不回奏并查現在剝艇實數若干一  
并回將話來之

旨除剝船另疏查明回報外謹將口袋阻壓緣繇先  
行據實奏

聞臣等不勝殞越待

命之至

崇禎三年八月初十日具

題本月十四日奉

聖旨據奏口袋停壓緣繇知道了各役應得腳價自



當依期給發以鼓趨事該司官何不早爲料理似  
此怠玩本當議處念運務方殷姑免究還着用心  
儉收如再有耽悞定罪不宥陳國清等着該廳分  
別懲儆舊年腳價量扣以明節省俱依擬欽此

題京軍九月分補放通糧疏

題爲遵

制補放官軍月糧以實京庾事雲南清吏司案呈奉  
本部送據坐糧廳郎中降三級戴罪管事丁流  
芳呈稱通倉舊例每年額放四次去冬偶因虜  
警止放二次不無此盈彼縮今准監督西中南  
三倉員外郎路來賀等議欲將九月月糧坐放  
通倉以補去年少放之數此亦通融之法似于  
通兩無所礙等因到部送司奉此案查官軍

月糧每年大放通倉四個月此成例也去冬因虜騎在郊各軍城守戒嚴蒙本部念貧軍遠涉之苦題放京倉是通倉則少放二個月于京軍甚便而于京倉則空匱矣今議補放通倉二個月庶于成例不致有違而京倉藉之殷實爲根本慮至深遠也合無將九月月糧改放通倉以補少放之數一轉移間而京度無空匱之虞矣等因案呈到部該臣等看得京通月糧支放原有成例毋容輕易更張去年因逆奴狂逞內地

各軍城守戒嚴

都門晝扃信地難離不得已而爲權宜之計輒將  
京倉多放二次今通廳及二倉俱以九月補放  
通糧爲請酌盈濟虛誠爲有見但九月正係操  
期赴通深屬不便不若將九月月糧改于八月  
中旬預令各軍赴通關支庶京庾不致空匱而  
操務亦不致妨礙矣既經該司案呈前來相應  
題

請恭候

命下臣部移文各該衙門一體欽遵施行

崇禎三年八月十一日具

題本月十四日奉

聖旨道題程八月補放如議行欽此

再題助運諸臣敘資疏

題爲恭報轉運來糧事竣以慰

聖懷事雲南清吏司紫呈六月十九日奉本部送戶  
科抄出該本部題勲戚內臣捐銀運糧分別數  
目覆

請旌資緣繇奉

聖旨這助運各官既經查明著分別旌敘該衙門知  
道欽此欽遵抄出到部送司遵卽呈堂移咨兵部  
并各衙門知會去後今奉本部送准兵部咨准

本部咨前事內稱武選清吏司案呈查得各  
輸輓凍糧竭歷急公其勞其勤誠有不可泯者  
已經戶部題奉

明旨分別旌敘移會前來第運事原屬戶部卽酌量  
旌敘亦屬戶部非本部所可越俎而議者相應  
咨回戶部先將各冊作何旌敘分別上

請或有敘陞職級然後咨會本部議覆庶職掌不紊  
而酬功之典亦攸當也等因呈堂奉批咨回戶  
部奉此案呈到部擬合就行爲此合咨貴部

爲查照施行又奉本部送承准左軍都督府照  
會經歷司案呈蒙本部劄付前事內稱奴警戒  
嚴凍糧路積勲戚內臣或輸草輛載粟或輸銀  
錢助運雖有多寡不同而急公之念無異今奉

旨旌敘

恩典雖出

朝廷其斟酌可否並旌敘效目應聽貴部定奪今移  
文各衙門分別敘賚無論本府不敢自旌卽帶  
俸等官本府亦難輕議酌理揆情深未便也爲



此合行照會前去煩爲查照施行又奉本部送  
准左軍都督府帶俸都督僉事今蒙降級由弘  
遇揭爲輪運軍糧奏

首題敘事職自備車輛載運糧一千三百八十石脚  
價三百零六兩八錢辭不敢領効勞之舉獨職  
首倡今不希格外之

恩伏乞俯賜具題將職准復前降原級實獲再造之  
德不淺矣各等因到部奉批雲南司查議具題  
奉此查得各爵運糧捐銀急公之誼不容狃沒

奉

旨旌敘相應分別題

請案呈到部該臣等看得先是凍糧露積河干不能  
一時速竣臣等轉運之心雖切而輸輓之計難  
施幸蒙

皇上諭令勲戚內臣協力助運一時諸臣誼切急公  
忠先體 國捐銀 惟車絡繹杳至曾未踰時而  
如許漕糧悉登

天庾已經臣部將運過糧米多寡數目分別等第議

度支奏議  
請業蒙

明旨著與分別旌敘矣該臣部咨行兵部并各衙門  
知會今兵部等衙門俱以漕運係臣部職掌咨  
回查敘臣等何敢諉諸臣飛輓之成勞而不仰  
體

皇上鼓舞之盛心再一爲表章也葢趙事赴公者固  
臣子之大義而紀功酬勞者實

國家之大典威福握之

朝廷臣固不敢輕議陸擢錢穀貯之太倉臣猶可以

量

請賞賚今查捐貲助運諸臣在勲戚則成國公朱純  
臣襄城伯李守鉞左軍都督府都督僉事田弘  
遇駙馬都尉萬煒駙馬都尉冉興讓駙馬都尉  
王昂後軍都督府左都督楊光瓌駙馬都尉齊  
賚元惠安伯張慶臻陽武侯薛濂新樂伯劉劾  
祖太康伯張國紀在內監則東廠王永祚曹化  
淳宋晉郝隱儒王文政劉秉忠或輸助銀數獨  
奢或轉運多糧辭價臣前疏已經分爲上等所

當重加賞賚以示優異者在勲戚則寧陽侯  
陳光裕寧晉伯劉天錫崇信伯費天澤清平伯  
吳遵周誠意伯劉孔昭武清侯李誠銘豐城侯  
李開先左軍都督府左都督周奎英國公張惟  
賢在內監則原任司禮監太監張邦詔王體乾  
沈蔭田玉趙本政宋聚奎金忠劉忠劉文忠或  
捐助百金內外或運糧一二百石以上臣前疏  
分爲次等所當併行賞賚以示旌勸者也又若  
在勲戚則安遠侯柳昌祚駙馬都尉肇永固後

府都督僉事萬洪祚駙馬都尉劉有福

皇親袁祐新城侯王昇在內監則司禮監邊希舜  
楊致中史賓季縉王敏政高時明張守恭劉鈺  
或運米而領受脚價或助運而米數差少所當  
量行賞賚以示獎犒者也至於賞賚銀兩無從  
取給查輕賫一項專共漕運之需今

欵賞運漕各官卽動漕運之銀似屬正項合無於上  
等者賞銀四五十兩於次等者賞銀二三十兩  
於又次等者賞銀十兩以至五六兩不等仰候

聖裁在諸臣宣力以助運雖云勞費之不貲在  
聖明頒賞以旌勤自覺

恩光之焜耀而一番忠義亦不致泯泯無聞矣內查  
左軍都督府帶俸都督僉事田弘遇運米一千  
三百八十二石先諸臣而首唱辭腳價而不領  
列在上等但本官先經奉

旨降級今揭不敢格外希

恩祇受賞賚第願准還原級嘉與維新可否允從此  
又總屬

皇上浩蕩之

殊恩而非臣等所敢擅必者也既經府部會各前來  
相應覆

請恭候

命下臣部移文各衙門一體欽遵施行

崇禎三年八月十三日具

題本月十九日奉

聖旨這助運諸臣現有城守各勞着兵部一併敘奏

欽此



題解官胡伯瑞原解銀兩被劫疏

題爲白晝大盜打劫官銀事雲南清吏司案呈奉  
本部送據直隸松江府解官胡伯瑞呈奉總漕  
部院李待問委解解崇禎元年二六輕賞又蒙應  
天巡撫曹文衡委解解崇禎元二年分金花遼餉  
京邊新餉并工部事例等銀共六萬五千五十  
七兩四錢五分零於七月二十六日未時行至  
山東東昌府茌平縣地方遇大夥嚮馬強賊十  
四人各執刀械弓箭打劫輕賞銀二鞘四十八

錠工部事例銀一鞘二十五錠共銀三千六百  
五十兩又稍連一個內滴補銀二百兩并衣被  
等物驛馬三匹家丁楊三等鳴鑼叫喊地方不  
行救護亦被強賊砍傷劫據前銀從崔家口去  
訖報縣差官緝捕無踪隨卽呈明府縣拘喚地  
方及車夫細審失去銀兩親驗破鞘的確切思  
解京錢糧必繇山東要道今白晝打劫豈容坐  
視不救呈乞本部俯照

欽定舊例責令地方作速補完庶錢糧不致耽誤等

情到部奉批雲南司速題奉此查得大夥嚮馬  
強賊白晝劫奪錢糧地方各官所司何事相應  
題參案呈到部該臣等看得地方有司職掌莫  
過弭盜爲先一切錢糧經過尤宜加意防護東  
省爲省直通衢解官絡繹當去冬虜變之後盜  
賊所在生心各該有司更須萬分戒備今松江  
府解官胡伯瑞領解輕賫金花遼餉京邊新餉  
并事例銀共計六萬五千餘兩道經在平地方  
突被大夥強盜劫去輕賫事例二經銀共三千

六百五十兩又滴補銀二百兩任賊縱橫並無  
救護該地方官平日踈玩不問可知雖胡伯瑞  
未到止據差人遞呈虛實多寡或難盡信然而  
失盜的矣且劫去皆緊急錢糧自應地方賠補  
而該縣官役失事之罪非重加究處何以懲前  
而茲後乎伏乞

勅下山東撫按將所劫銀兩再一查明一面勒令失  
事員役速行緝捕真盜真贓一面責令該縣照  
數速補完解交納仍將失事員役以有無得獲

賊盜分別輕重議處以後錢糧經過俱令多撥  
民兵沿途護送如意防範庶道路一清而綠林  
可靖矣既經該司呈呈前來相應題

請恭候

命下臣部行文各該衙門一體欽遵施行

崇禎三年八月十三日具

題本月十六日奉

聖旨解銀白晝被劫縣官所司何事不行防護着該  
撫按查明實數責令賠補起解仍嚴督失事員役

緝獲真盜真賊奏奪都立限與他欽此

條陳剝運未盡事宜疏

題爲謹陳剝運未盡事宜率屬力行以速運務事  
雲南司案呈崇禎三年八月初十日奉本部送  
戶科抄出巡按直隸監察御史龔一程題爲全  
漕鱗次抵關等事奉

聖旨漕艘齊集全在速剝速收以便回空庶新運無  
悞據奏剝船絕少口袋不敷總督倉場又關廳官  
何故不蚤奏聞預爲設處好生悞事劉孔敬丁流  
芳姑着降三級載罪剝運如四十日內不完卽行

重處本內委役習玩必係關廳橋壩點棍猾胥盤踞把持故行阻難以圖奸利便著該部堂上官并巡漕御史訪拏渠惡嚴儆示懲口袋阻壓有旨詰問如何尚不回奏查現在剝船實數若干一并回將話來該部知道欽此到部送司案呈到部竊惟漕米關軍儲命脉剝運爲漕事樞機漕事之愆期數年於茲矣賴

聖明之振刷一朝而頓復其舊漕艘尾幫盡數抵關夫漕艘涉江踰淮則漕輓各官之事也茲已抵



關入通則臣部司屬之責也轉輸之不速入倉  
之不早以爲

聖主憂則臣等之罪大矣今欲如

欽限報竣是必有破格招徠之法苦心調停銳意釐  
剔而後可幾幸於萬一是用廣詢博訪周爰咨  
度澤其有裨於剝運而爲救急襄事之一助者  
凡得四款臚列上

聞亦千慮之一得也一僱募民船夫三舡抵壩此舊  
例也一條剝起米一百六十石通廳主之一河

剝起米一百五十石關廳主之其餘米毋耗  
運抵壩萬一有船大米多如江廣之船有裝至  
八九百近千石者則務關不得不設法代爲起  
剝是河剝倍急於條剝也昨據主事劉孔敬稱  
本關剝船及封僱民船現起剝者約有七百隻  
尤懼不敷宜再令差官前赴天津等處僱覓民  
船務再增三百隻赴關起剝第恐照常價值應  
僱者少須於除大小封加增六錢之外量行加  
增庶船戶樂從而應僱者當鱗集關下矣至通

廳條船例設有四百隻聞督部議自糧船百隻可以通融接濟亦須再僱民舡一二百隻而後可以應急此又通廳之事是在各官之自爲計耳一給發腳價夫內河運糧須用口袋此舊例也從來設有二十萬袋往返轉運可支七月目今破格催僭非多爲增置不可昨聞督部抵通議須再增三萬餘袋以供一日之用今經紀一名各增一百條急爲裝運其應用價值俟通糧廳議妥詳奪或俟運完米時卽在本年運價

內銷筭至如所稱橋壓口袋總錄車戶逃避  
應領腳價亦宜令本橋呈筭清數臣部亟爲  
發多發以便速運其有怠玩者卽以重法繩之  
庶通橋無壓積口袋之事而通壩經紀無所借  
口以緩運務矣推而至于壩閘水脚亦宜蚤爲  
沛發但恐透支不便銷筭而駁查又滋往返合  
無將輕齎銀解發五千兩於通州聽督部隨便  
給發事完銷筭恐此輩狡猾或一至逃避則轉  
費調停耳一暫貯號房失回空欲蚤爲來歲

糧計也然糧不抵壩何以回空此際誠難言之  
蓋務關猶之口也京倉猶之腹也而通壩則猶  
之咽喉也近見關廳區畫凡母船之過關者有  
船則剝之無船則暫令起囤岸上苦蓋完全陸  
續起剝令母船自行抵壩雖非良法然于口無  
壅塞亦庶幾不悞回空之意惟通壩則須用經  
紀裝起口袋近以口袋不敷剝船至通有壓至  
數日不得起者矣母船則又不可以日計接艘  
連帆挨至數里咽喉不通無論腹何以充卽剝

船之在口者何以更番轉運而不匱也雖目今多備口袋或亦猝辦之餘終屬有數倘有倣務關意每日儘口袋裝運其剩餘者暫囤石壩號房令旗綱一人看守陸續裝袋起運不惟剝船可卽起卽返轉運不窮而母船亦可脫然東下此亦催儂回空之大端矣况糧係

國儲近一步便穩一步而以防窺伺以戒下虞則囤于通壩之號房不猶愈于務關之河干乎一登記號簿夫事之必有綱領也提綱挈領而事

自理凡事皆然况漕務乎近日運務聞有旗甲  
候剝而若無船者亦有剝船候一二日而苦無  
旗甲者有通壩壓船至二三日而歸者散精勞  
神於漕何裨爲今之計凡糧艘一過務關卽爲  
置立號簿先後遞掛以備挨次起剝而河剝船  
之在官者卽對漕船號簿亦爲置號各船與一  
號旗先後起剝一如漕艘凡一切封僱民船卽  
爲續號在後如官船例計日起剝往返照舊例  
以七日爲率過期按日責處庶耳目不亂而人

情易遵也其剝船不足暫圍河干者領令或旗  
或網一人守之先期出示船到卽剝不許片時  
停待計日考比剝船不到則責船戶旗網不在  
則責旗網人卽頑猾亦窮於法之無所逃矣至  
船到通壩卽向通廳打到日登號簿給號票如  
前一日到者卽勒令次日起完儘完口袋卽爲  
起回號房有違限者卽以指勒索責處經紀  
庶官有定法人無詭脫如是而糧不速竣者否  
矣以上四款皆就關通見行事理稍爲補綴其



隙漏規畫其便宜須是責成關通二司官併和衷填筮迭應而後庶幾有濟耳不則事任分意見頓岐宍成歸於誤漕總難逃乎禍謫臣已一面頒布極力督催仍乞

天語申飭遵奉施行

崇禎三年八月十五日具

題本月十七日奉

聖旨漕糧星速剝以便回空已有屢旨這增催民船給發脚價暫貯號房登記號簿各欵如議飭行

在事各官著勤幹勵精毋得違限取罪該部知道

欽此

覆漕院龔御史剝運航遲可慮疏

題爲全漕鱗次抵關剝運航遲可慮懇乞

聖明嚴加責成事雲南清吏司案呈崇禎三年八月初十日奉本部送戶科抄出巡按直隸監察御史龔一程題前事等因奉

聖旨漕艘齊集全在遠剝速收以便回空庶新運無悞據奏剝船絕少口袋不敷總督倉場及關廳官何故不蚤奏聞預爲設處奸生悞事劉孔敬丁流芳姑著降三級戴罪剝運如四十日內不完卽行

重處本內委役習玩必係關廳橋壩點棍猾胥  
踞把持故行阻難以圖奸利便着該部堂上官并  
巡漕御史訪拏渠惡嚴做示懲口袋阻壓有旨詰  
問如何尚不回奏查現在剝船實數若干一并回  
將話來該部知道欽此除口袋阻壓已經另疏具  
奏關廳橋壩點棍猾胥俟訪拏渠惡外案查本月  
初二奉本部送據河西務鈔關主事降三級管  
事劉孔敬呈稱南糧鱗集需剝甚急本關船隻  
除未經燒燬及新排造者止五百有奇屬值去

旱水涸河道淤淺母船難進非一剝二剝不能  
渡淺卽如南昌衛船舩質粗重昨過蕭家林白  
甫園河剝條剝又添民剝一母三剝猶不能過  
目下將到俱係江西湖廣大船阻壓可虞五百  
餘艇焉能週轉卽截留民船而商賈寥寥到關  
艇舩稀若晨星不能兩百守株膠柱恐致悞事  
職查今年春運凍糧剝船不足申請部堂轉行  
漕院并天津道及河間府沿河州縣廣僱民船  
到關協運千舩齊集方能剝完令新糧緊急舩

隻不敷合無比照舊例劄行河間府滄州沿河  
近屬州縣伐募民船押至關上分派剝運本職  
照依漕規水程現給毫不短少庶合多舟以運  
多糧免于遲悞凍阻等因到部奉批廣募民船  
事不容已雲南司查議速行奉此遵卽呈堂劄  
行天津道河間府星速轉行滄州等一帶沿河  
州縣地方亟行廣募民船押送協運照例給與  
脚價去後又奉本部送據坐糧廳郎中降三級  
戴罪管事丁流芳呈稱查得船糧湧至需剝甚

巫兼之米涸河淺沿途壅阻若非多剝勢難週  
轉職廳兩壩剝缸止得三百八十五隻挨次派  
剝寥寥無幾前蒙本部目繁時艱題留山遮二  
總之船協剝續奉台劄不過二轉已令回空所  
有張灣一帶沿河封記民船每多逃避出關遠  
匿天津上下况今水勢愈涸愈淺大船日多一  
日職廳雖時刻河上多方催儻無奈大船無窮  
剝船有限何以仰答輓漕之

明旨伏乞俯念漕爭萬分緊急嚴檄天津務關多封

民船盡驅關內令職廳與務關協力剝運至相  
稽查照例給與腳價庶幾漕事早竣等因到部  
奉批多封民船協力剝運昨河西務亦有此議  
卽與速行勿遲時刻奉此查得通州外河石壩  
原額艇二百八十隻內有限滿未造船四十隻  
責令艇戶雇募充額又虜燬船一百一十八隻  
已照數補造原存船一百二十二隻俱見在剝  
運土壩原額船一百五隻內虜燬船六十隻並  
亦照數補造原存船四十四隻半俱見在剝運



白糧原額船一百六十隻內虜燬船七十五隻  
未造原存船八十五隻內有限滿四十隻已照  
數補造又查河西務剝船原額八百隻內被燬  
船三百四十八隻計實存船四百五十二隻外  
業勒該關上緊排造新船一百隻又據揭稱封  
留民船一百隻仍恐不敷又令赴津雇覓民船  
四十隻通共見船一千一百六十餘隻已經飛  
檄馳催協同星速剝運今奉

欽依合應一面具奏一面督催案呈到部該臣等着

得漕運船糧雲集津關鱗次入倉需剝甚急無  
柰剝船有限週轉爲虞簡查舊例惟有廣募民  
船量增價值星馳協剝以爲權宜之計而已如  
謂江廣船隻重大母船抵壩爲艱則不必拘泥  
于二剝三剝之例亦惟責成關通母分界限儘  
力速剝以濟然眉之急而已近日倉場督臣錢  
春巡歷通州臣與往復商議務令通關多雇民  
船巡緝挿和此爲目前第一要著庶幾運事蚤

集上慰

管轄耳夫通關二地剝船雖虜燬者未盡造完尚計千隻亦不乏也而動稱不敷者豈盡地自限而苦樂不均歟豈顧募充額而實數不足歟今須移會總督倉場及巡漕御史不時查核其有名無實者亟行盡法重究則剝船胥有實用無不竭蹶趨事者矣此外再行天津河間等處多雇民船務以五六百隻爲限亦事之萬不容已者也口袋據通廳所報業已滿二十萬而每以大通橋阻壓爲詞今亦不妨量增且繇壩入閘猶

水路稍易而繇橋入倉則陸路稍難車戶近稱  
苦累率多逃匿臣前疏已言之今惟按米給銀  
并發舊欠以圖接濟俾令一日運糧滿三萬石  
咽喉之地一通則無所不通而轉運速矣至于  
郎中丁流芳主事劉孔敬前此遲悞之罪幸荷  
聖明寬政降級後此勒定之限自宜拮据報竣補過  
從茲

天庾蚤登

國計無虞實臣等之所蒿目而切望按日而責劾

者也既經漕臣具題又經關廳具呈前來相應  
題

請恭候

命下臣部行文各該衙門一體欽遵施行

崇禎三年八月十五日具

題本月十七日奉

聖旨據奏剝船千餘去原額亦不甚遠何故輒稱不  
敷稽遲剝運此必有名無實轉輸不勤故爾藉口  
且雇募民船若果能公平給價不致強拏抑勒人

自樂趨何爲避匿著該部嚴飭通關各官將船票等項事情作速料理其每日止運糧三萬是否四十日內卽能報完朕止以竣遲遲蚤分別功罪斷不寬假各宜力圖毋貽後悔一應運內事務總係該部本分職掌何待詳論着益用心設法勿得因循玩誤直俟詰問方一條奏欽此

覆號房失米司官全無覺察疏

題爲緝獲事雲南清吏司案呈本月十一日奉本部送戶科抄出總督官旗辦事錦衣衛掌衛事左軍都督府右都督劉僑題前事內稱緝獲盜賈漕糧男子姚繼讓等緣繇本月初八日奉

聖旨姚繼讓等送刑部究擬號房失米經管官全無覺察職掌安在著該部查明奏來該衙門知道欽此欽遵行間又奉本部送據司務廳呈准錦衣衛經歷司手本前事內奉本衛案令開送大通

橋號房搜獲米石奉

旨發部收倉等因通送到司遵卽劄行大通橋主事  
王忠孝將見獲漕米一百八十七石如數查運  
祿米倉收貯外仍查該橋經管官緣何號房失  
米全無覺察根因責令星速查明呈報去後今  
據主事王忠孝呈爲據實認罪事內稱竊照大  
通橋一差原無錢糧收放只一督運空署耳著  
建

東便門外沿橋

列號房以備寄頓監督官每遇



剝船到橋驗其米色以防揶和較其盈縮以警盜竊旋督水脚抗卸車戶起還一日之間嘗無晷暇此則橋差職掌之大畧也若巡緝偷盜在道路則有各坊番役在號房則日輪正身車戶五名每名督率車夫四人分號防守蓋米經摯卸到倉短少例該車戶賠補故着令該役輪守者以其利害切膚防緝尤宜倍密也號房從無戶肩隄防甚難職每時時申飭有覺必定至於車夫之負夜糊偷橋役姚繼讓之暗相授受職

實不及周知也所尤難者橋差原稱煩苦往年  
只完一年之糧職自二月接差新舊駢集轉輸  
倍艱重以奴變之後車畜耗散各役因賠急則  
虞其掉臂寬則慮其停壓職之全副精神已盡  
耗於僨運又有不能分身而調察者但既爲督  
運司官凡釐奸剔弊皆運中事也不知覺察於  
前而爲緝事衙門所摘發罪安能逭亦惟有席  
藁以待斧鉞而已伏乞題覆等因到部奉批雲  
南司題覆奉此相應具覆案呈到部該部等看

得漕糧繇壩轉運到橋繇橋轉運入倉惟恐疎虞竊取每每申飭防範今有橋役姚繼讓等交相串通在號房內寅夜偷盜漕米一百八十七石天網恢恢疎而不漏已經錦衣衛緝獲業將原獲米石起運祿米倉照數查收矣該橋監督主事王忠孝職司橋務一切轉運稽查防範皆其職掌而致姚繼讓等暗通盜賣數至一百八十餘石全無覺察職掌安在顧安得以公署之遼迥輪守之有人而追疎虞之罪也惟是本官

以一身而完二年之漕務委効勤勞以一日而  
運三萬之漕糧備極倥傯值茲糧運之盛行仰  
冀

聖明之使過合無量行罰俸一年以爲踈虞之戒則  
本官必益恪供厥職以圖報稱矣既經該橋查  
呈前來相應具奏恭候

命下臣部一體欽遵施行

崇禎三年八月二十一日具

題本月二十四日奉

聖旨王忠孝疎防致盜法當重懲念運務方殷姑依  
擬罰俸一年還着速催蚤竣以贖前愆欽此